



Broj: 05/06-04-31246-11/26-73
Sarajevo, 14.07.2026. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine

Predmet: Odgovor na zastupničko pitanje zastupnice Admele Hodžić– dostavlja se
Veza: Akt Skupštine Kantona Sarajevo broj: 01-04-31246-11/26 od 23.06.2026. godine

Dana 24.06.2026. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničko pitanje zastupnice Admele Hodžić koja je dana 17.06.2026. godine u skladu sa članom 211. i 214. Poslovnika Skupštine Kantona Sarajevo postavila zastupničko pitanje koje glasi:

„Na osnovu člana 211. Poslovnika Skupštine Kantona Sarajevo („Službene novine Kantona Sarajevo“, broj 41/12-drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), upućujem zastupničko pitanje Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo i tražim da nam se dostavi informacija u kojoj fazi je realizacija prijedloga i programa pod nazivom „Novi okviri stambene politike prema mladima u Kantonu Sarajevo“, koji je Radna grupa imenovana Rješenjem broj: 05-04-38107/24, dana 30.07.2024. godine, u predviđenom roku predala u Ministarstvo, a koji je prihvaćen nakon što je Ministarstvo zaprimilo ovaj dokument Radne grupe, te tražim da se dokument dostavi svim zastupnicima kako bismo mogli pratiti tok realizacije.”

ODGOVOR:

Vezano za dostavljeno zastupničko pitanje Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo dostavlja Vam odgovor kako slijedi:

Rješenjem broj: 05-04-38107/24 od 30.07.2024. godine imenovana je Ekspertna radna grupa za analizu rješenja u oblasti stambene politike u Kantonu Sarajevo i izradu teksta prijedloga poboljšanja i programa podrške usmjerenih prema mladima.

Formirana Ekspertna radna grupa je okončala svoja zaduženja i sačinila dokument pod nazivom “Novi okviri stambene politike prema mladima u Kantonu Sarajevo”.

Nakon što je sačinjeni dokument dostavljen Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo uvidom u isti konstatovano je da dokument ne sadrži sve potrebne parametre da bi se adekvatno procijenilo stanje u ovoj oblasti.

Naime, uvidom u sačinjeni dokument evidentno je da isti ne sadrži analizu potreba mladih u oblasti stambenog zbrinjavanja i važne pokazatelje kao što su broj mladih koji nemaju riješeno stambeno pitanje, koliki je broj stanova koji bi bio potreban za rješavanje njihovog stambenog pitanja, koliko je potrebno izdvojiti sredstava u Budžetu Kantona Sarajevo na godišnjem nivou i slično.

Obzirom da je bez tih pokazatelja izrađeni dokument djelimično upotrebljiv donesena je odluka da se provedena studija dopuni.

Nakon što je izvršena dopuna dokumenta „Novi okviri stambene politike prema mladima u Kantonu Sarajevo” ista je javno prezentovana dana 09.07.2026. godine.

Navedeni dokument sa detaljnim opisom mjera možete pogledati na linku: <https://mkipgo.ks.gov.ba/aktuelno/obavjestenja/novi-okvir-stambene-politike-prema-mladima-u-kantonu-sarajevo-2026-2030>.

Pripremila: Šemsa Šenderović, stručni savjetnik
Kontrolisala: Ana Miković, stručni savjetnik



Dostaviti:

1. Predsjedavajući Skupštine Kantona Sarajevo
2. Služba za skupštinske poslove
3. Sekretar Vlade Kantona Sarajevo
4. Koordinator za izradu odgovora na zastupnička pitanja
5. Evidencija
6. a/a